



ՄՐԲՈՅ ՎԱՐԴԱՆԱՆՅ ՏՈՆԱԿԱՏԱՐՈՒԹՅՈՒՆԸ
ԵՎ ՎԵՀԱՓԱՌ ՀԱՅՐԱՊԵՏԻ ԱՆՎԱՆԱԿՈՉՈՒԹՅԱՆ
ՏԱՐԵԴԱՐԶԸ ՄԱՅՐ ԱԹՈՌՈՒՄ

Հայ ժողովրդի համար ինչպես ազգային, այնպես էլ եկեղեցական մեծագույն տոններից մեկը Վարդանանց տոնն է: Այդ տոնը միաժամանակ համընկնում է Ամենայն Հայոց Հայրապետի անվանակոչության տարեդարձին:

Այս տարի էլ Մայր Աթոռում հանդիսությունը նշվում են այդ գույգ տոները:

Փետրվարի 10-ին, կիրակի օրը, երեկոյան ժամերգությունից հետո, Մայր տաճարում Վարդանանց տոնի առթիվ կատարվում է նախատոնակի հանդիսավոր ժամերգություն:

Փետրվարի 11-ին, երկուշաբթի.—Տօն Սրբոց Վարդանանց զօրավարացն մերոց՝ հազար երեսուն և վեց վկայիցն, որք կատարեցան ի մեծի պատերազմին:

Ժամը 10.30-ին Ավագ խորանի վրա սկսվում է հանդիսավոր և պատարագի արարողությունը: Օրվա պատարագիչն էր Տ. Գրիգորիս վրդ. Բունիաթյանը, որը և հավարտ և պատարագի Իջման Ա. Սեդակից խոսում է քարոզ՝ Վարդանանց խորհրդին նվիրված:

Պատարագից հետո, Վեհափառ Հայրապետի նախագահությամբ, կատարվում է Հայրապետական մաղթանք:

Ժամը 13.30-ին Վեհարանի հանդիսությունների շքեղ դահլիճում սկսվում է Վարդանանց հանդիսությունը:

Հանդիսությանը ներկա էին Մայր Աթոռի միաբանությունը, Գերագույն հոգևոր խորհրդի անդամները, մայրավանքի պաշտոնեությունն ու աշխատավորությունը և այլ հյուրեր:

Հանդիսությանը ներկա էր նաև Հայկական ՍՍՀ Միեմիստրների խորհրդին առընթեր Հայ եկեղեցու գործերի խորհրդի նախագահ տիար Ռուբեն Պարսամյանը:

Հանդիսությունը սկսվում է Հայկական ՍՍՀ պետական հիմնի նվագով, որից հետո հոգևոր ճեմարանի սաները կատարում են «Ճեմարանի քայլերգ» խմբերգը:

Հանդիսության քաջման խոսքով հանդես է գալիս հոգևոր ճեմարանի տեսուչ Տ. Գրիգորիս վրդ. Բունիաթյանը: Այնուհետև Վարդանանց խորհրդի մասին քանախոսություն է կարդում հոգևոր ճեմարանի դասախոս Տ. Անանիս վրդ. Արաքաջյանը, որն ի միջի այլոց շեշտեց:

«Այս կապույտ երկնքի տակ ապրող ամեն մի ժողովուրդ ունի իր «Ելիականը»:

Իր պատմության ծանր օրերին, այն ոգևորող մի օրինակ է հանդիսանում տվյալ ժողովրդի համար, տատապանքի ու գերության շրջաններին դառնում է մի ջիհջ, անաղարտ երազ ու վերջապես ուրախության և փառքի օրերին, Հեմինգուեյի խոսքերով ասած, «Տոն, որ միշտ քեզ հետ է...»:

«Տոն, որ միշտ քեզ հետ է...»:

Ավարայրի խորհուրդ: Ի՞նչ էս այսօր դու մեզ համար, աշխարհի վրա ապրող, իր ազատության, իր հավատքի ու նրա կուսության վրա դողողողացող յուրաքանչյուր հայի համար:

Պատարագի նշխար: Մայրական օրոր: Թե պանդխտության ծանր օրերի ախփեցնող մրմունջ-երգ:

Ինչու՞մն է քո վեհությունն ու մեծությունը, որ այսօր, մոտ 15 դար հետո, 451-ի

մայիսի 26-ը հիշելիս, դու ստիպում ես մեզ պատանու մեծագույնը ու զգացնել տալ, թե ինչպես է արյունը ջերմանում մեր երակներում, առնականանում ձայնը ու անհասկանալի մի կրակով բոցավառվում հայացքը»:

Այնուհետև հարգելի բանախոսը, համառոտակի շարունակելով իր խոսքը, վերջում եզրակացնում է.

«Այսօր Ավարայրի ճակատամարտից անցել է 1529 տարի: Ծառ բան փոխվել է կյանքում: Նույնը՝ հայ իրականության մեջ: Սակայն Ավարայրի լույսը այս 15 դարերի ընթացքում մեր ժողովրդի պատմության մեջ օրերին առաջնորդը հանդիսացավ հայ ոգեկանության: Ամեն անգամ Ավարայրի երգը շուրթերին հայը մտնում էր պատերազմի դաշտ ու փյունիկի մեծ կենդանի մտնում:

Ավարայրի վերապրումն էր մեծ Սարդարապատը, ուր հայը մեկ անգամ ևս աշխարհին ապացուցեց, որ այնքան ժամանակ, քանի դեռ կոչվում է, իրավունք ունի ապրելու:

Ու այսօր էլ մեր ազատագրված ոչ վերականգնանա՞ց մայր հայրենիքում՝ Սովետական Հայաստանում, հարածամ մղվում են մորանոր ավարայրներ, մղվում են գիտության, արվեստների, բժշկության, աստղագիտության և այլ մարզերում: Ավարայրներ, որոնք ժամ առ ժամ ավելի են ծաղկեցնում, շենացնում և պատվի աստիճաններով վեր բարձրացնում մեր փոքրիկ, սակայն պատմական Հայոց երկիրը:

Ավարայր է ամենօրյա հայ պիյուրը, որտեղ ամեն անհատ անդու կերպով, համարյա բնագրական մի մղումով, ջանքեր է թափում կույ չգնալ օտարին ու հայ մնալու...

Մեծ եղավ Եկեղեցու դերը 451 մայիսին: Հավատարիմ մնալով «Հովիտ քաջ զանձն իր դնէ ի վերայ ոչխարաց իւրոց» քրիստոնավանդ պատգամին, հայ հոգևորականությունը ոգին դարձավ Ավարայրի ողջ դեպքերի:

Ու այսօր էլ շարունակվում է «Վասն Յիսուսի, վասն հայրենեաց» նշանաբանով մեր առաքելությունը այս երկրագնդի համարյա ողջ սփյուռքի վրա, ուր ապրում է հայության մի սրբազան մասունքը:

Փոխվել են անունները... Չկա այլևս Հովսեփի կաթողիկոս, չկան Ղևոնդ, Եզնիկ... Սակայն նույնանում է առաքելու-

թյունը, նույնն են տեսիլքները մեր մեծ հայրապետների, եպիսկոպոսների:

Ու թերևս այդ է պատճառը, որ ամեն տեղ, ամեն ժամանակ հայը միշտ ամուր փարված է մնում Հայաստանյայց Առաքելական Սուրբ Եկեղեցուն:

Ու թերևս հենց այստեղ պետք է որոնել Վարդանանց խորհրդի մեծության արժեքը, բանալին:

Իր հավատասիրության, եկեղեցասիրության, ազգային և կրոնական ավանդույթները սուպահովելու ոչնչի առջև կանգ չառնող, ամեն ինչ զոհաբերող հավատքի մեջ:

Եվ այսօր Հայաստանյայց Սուրբ Եկեղեցին, մեր երախտապարտ Եկեղեցին օրհնում և փառաբանում է քեզ, ով քաջդ Վարդան:

Փառք քեզ ու քո 1036 արի կտրիճների:

Բանախոսությունից հետո սկսվում է հանդիսության գեղարվեստական բաժինը: «Նորահրաշ» և «Արիացեալք» շարականների երգեցողությունից հետո, արտասանություններով հանդես են գալիս Հովսեփ արկ. Պարգյանը, Հայկ արկ. Չիլիգարյանը (Գ լսարան) և Մեսրոպ Խաչիկյանը (Ա լսարան), որոնք հաջորդաբար կատարում են հատված Եղիվարդի (Եղիշե պատրիարք) «Վարմիր Ջորավար» պոեմից, Ռ. Պատկանյանի «Վարդանի երգը» բանաստեղծությունը և «Վարդանի ճառը» հատվածը Եղիշեից ստեղծագործությունները:

Վահրամ արկ. Տերտերյանը, Խաչիկ արկ. Մարտիրոսյանի նվագակցությամբ, կատարում է Մակար Եկմայանի «Լոնեց, ամպերը...» մեներգը: Այնուհետև հոգևոր ճեմարանի երգչախումբը՝ ղեկավարությամբ երաժշտության դասախոս Տ. Մասիս վրդ. Գալստյանի, հաջորդաբար կատարում է «Ով մեծաքանչ դու լեզու», «Ով Հայոց աշխարհ», «Ով դու բարեկամ» և «Ազնիվ ընկեր» խմբերգերը:

Հանդիսության վերջում օրհնության խոսքով հանդես է գալիս Վեհափառ Հայրապետը: Նորին Սրբությունը շեշտելով Վարդանանց խորհրդի նշանակությունը, հորդորում է, որ միշտ բոլոր հայրդիները իրենց հոգում վառ պահեն Վարդանանց ոգեկանության անմար հիշատակը:

Հանդիսությունն ավարտվում է խմբովին երգված «Հայր մեր»-ով և Վեհափառ Հայրապետի «Պահպանիչ»-ով:

